

南巡盛典

天章

卷二十九之卷三十一

78 4  
1199  
12



74  
卷



南巡盛典卷二十九

天章

乙酉 直隸

詩

恭奉

皇太后南巡啟蹕三疊前韻

有序

留熟支開恰肇金穰之歲棣通氣奏甫頒青  
陸之春諏上元翼日良晨猶是宜燈宜月舉  
江國四巡令典望均自東自南溯夫展義陳  
詩賜酺給復進壇吏則書登風俗羅黷宮而

南巡盛典 卷二十九  
牒上俊英既不辭三至以云勞寧或改一遊  
之爲度顧惟於越勾吳之壤厥號襟河帶海  
之區雖五壩示其節宣幸卜澄瀾於紆轡而  
兩疊資爲夾束期覘漲渾於候潮殷懷將在  
此行遠計曰無非事矧黎獻扶筇之願切尤

壽康掖

輦之

歡增樸室卻飛翬十笏明牕披月宇輕艘捐采鷁一  
桁柔艫剪烟江七校點前班尚減傳餐之簿

六曹遴後扈纔充繞仗之儀匪高選勝乎山  
川彌軫疇咨於民物對此韶光添九十東皇  
之閏律方中因之清蹕紀三千南服之行編  
可冠

南邦初莅歲維辛依戀常牽澤國倫三載忽如過

影隙當春仍此卜時巡預教減從

去聲事從平聲簡命

應扈從人員均較上屆減派仍由該衙門核定奏聞

諄戒增華命屢申度節

尚隨朝節客

時蒙古王公暨西域輪班入覲朝正

其預坐遣還

近光先有覲光民一清寧止徵求寡千里

何須兵衛陳日日

大安承

喜色恢恢四海共熙春念周黔赤愛如舊興助江山  
句亦新却是靜中時自省得無觀采畧嫌頻

過盧溝橋

通閏遲節候河水尚未開徑行誰病涉

水上行人往來竟似

不知隄防

去聲

似虛堆

兩隄上積土成堆蓋夏秋以備不虞

因悟乘時

要難言永定該遙源溯代地西北萬山崔

長新店

村亘五里盧溝濱廬舍比櫛復次鱗借問往來投  
店者幾不勞勞名利人墟里蓋藏真覺好幸值去  
年登萬寶紅聯貼戶竿豎燈長新卽此長安道一  
二老人衣黃衣欣於所遇顧賜之向南日日數增  
倍侍衛行賜將或遺遠則有望近不厭述聖名言  
可味思

良鄉行宮恭奉

皇太后觀烟火

駐惟初頓節翼日處處承

歡養萬方合設燈花酬景令所欣

食履正康強却看月隱勝月現

是日同雲密布大有雪意

欲笑廣

陵輸廣陽入夕同雲將釀雪連阡麥壠願敷祥

良鄉行宮三疊舊韻

初頓常教依北闕長途復此指東江門前烟火同

觀罷却喜盆梅伴燭牕

南巡四度不言勞詎為江山事一邀察吏要因悉

民隱舉賢寧止拔文豪

壬午春當蹕旋際為民迴顧頗牽情三年纔浹巡

轡出欲答蒼黎盼幸誠

立春越日駕巡南梅信緣寒想未酣遙憶孤山放

鶴處也留芳朶待吟探

向來觀梅至蘇已覺爛漫今歲春遲且逢閏月至杭

或尚可觀梅也

郊臺

庚辰曾是勞旋師叩

貺臺陳得勝旗自此西瀛盡來賀每循南路引餘思

固資衆力成勲績實藉元戎善指麾享澤何期騎

箕尾

協辦大學士一等武毅謀勇公兆惠以去歲冬至月患病溘逝雖親臨酌酒今經此地不

禁迴憶 不禁觸境一生悲

宏恩寺

龍蔥翠蔭濃隨喜梵宮重庭有百年樹僧修六度  
宗白蓮持戒律黃蘗謝機鋒小坐遵前路聞徐烟  
外鐘

琉璃河

石橋千尺壓兩涯接以石路平不陂夏秋行潦每  
致濘藉此無礙車馬馳前人妄為後人賴長城運  
河率有之勝朝魏璫茲故里葆輿安坐達京師非  
官帑卽勞民力小修所費尚不貲窶人子勢有如  
是奚怪朱家社不移

駐涿鹿行宮觀燈火

正月十七日

節度上元纔兩朝排當烟景聽羣僚

地方官稱已備不復罷之

共稱墟里裹糧夕

百里外有裹糧來觀燈者亦與民同樂之意

况尚錢

王買燭宵一響千行燃火樹半空百道接星橋團

圍寶靄騰東海

上元雖度然正月以是日為望月始圓

不負燈前奏

六么

涿鹿行五疊前韻

南遊盛典 卷二十九 五  
今日駐輦隣州城明日啟駕遵南行倏忽一夜今  
成昨荏苒來者今非明三年節得桃花飽無去來  
今惟靜好藉可喻四巡江東却是言實非譬巧人  
有來去日何尤其間哀樂事已稠試看歷歷前題  
句幾纖毫分爲恒留所幸里民鮮菜色蓋因客歲  
逢稔收以此祈年益切切謹身宵旰慎厥修

樓桑村二首

漢室王孫志本雄指桑葆蓋詔諸童可憐不及春  
陵業二世偏安祇蜀中

豫州一旅得成軍見說英雄獨使君千載粉榆猶  
故社誰稱李定與周羣

紫泉行宮賜隨營諸臣及直隸各官食

吉行五十里非遙元夕逾三尚節朝有暇宮門臨  
賜食兩行茵席答熙韶歲收卽是君臣福民樂多  
緣風雨調虔鞏居謙戒敬器欽哉自勗勗羣僚

紫泉行宮十詠

敞軒

情知別館縣城南樸斲欣堪稅六驂三架軒楹教

豁敞為宜春色箇中含

屏山

數峯意亦足瀟湘畫法奚論米與黃最喜當門無俗韻愛他本色是清防

鏡湖

淥水胥堪供鑒觀青銅試比有餘寬行臨江國休衡校鶯脰菱絲祇一般

舫室

舫室屢屢臨鏡湖推蓬烟水趣真殊箇中摘句吾

原慣消息先傳安福艫

南巡所御舟名

櫻亭

剪縛櫻毛覆上層逕穿詰曲倚峻嶒靜觀設問誰堪比一笠居然雲水僧

虹橋

宛轉橋欄俯渚汀垂如螭竦飲波形武夷君若期相會躡此知當到幔亭

魚脣

今歲春遲湖尚冰何曾倚岸置魚脣有名無實翻



成當去聲里革讜言憶讀曾

石逕

礨礪白石玉為堆曲徑重尋春日來  
踱步向深忽失笑不由還覺愧澹臺

竹埭

誰把簷簷護閣栽坐宜月入與風開  
何須艷舉江南好一例虛心勁節材

箭廳

箭廳仍是倚溪涯衛士歸廬免候排  
臂病邇來稍廢此信子慙處豈子佳

降旨免直隸山東經過州縣錢糧詩以誌事

新春頒旨惠江南

前此三次南巡屢蠲上下江通賦昨詢之大吏以江南尚有因偏災緩貸各項積至一百餘萬兩念皆無力輸將所致較每歲未完額徵尤堪軫卹因於新正二日降旨概予豁免以慰望幸而均慶惠輦路經應澤遍覃執役那無灑

與掃正供胥免十之三即看夾道相親切寧不寘

懷共苦甘更厯欠逋詎全鮮上聲傳宣方伯面詢探

賜直隸總督方觀承

棨戟依京國隼旗鎮冀門中丞近張瑩大尹昔王

尊任久民情悉心恒吏治敦幸哉連稔後元氣復  
堪論

駐蹕趙北口卽事雜詠

大隄迴望見雄城駐蹕燕南趙北營一宿已看分  
兩國爾時政令若爲行

春遲冰凍未全開近水程途喜不埃侍衛囊金例  
行賞野翁依舊獻魚來

烟宮數字可停驂  
有託愛他消息遞江南

積葑圍泥種麥圖未能一例禁西湖

西湖葑田民多佔種向於

南巡時規知利弊隨勅大吏釐核禁將來毋許續  
增致礙宣節茲淀池內外淤地衍沃於蒔麥尤宜  
民間墾藝滋廣若不示以限制恐日久有妨瀦洩  
自當仿浙省之例飭禁亦在有司之經理得宜耳

勤耕豈不資民食所慮因循占水區

遠浦連冰一片白簇枝綴蕊萬星紅十三橋畔韶

光嫩假藉春燈著意烘

春宵燕九例收燈婪尾冰嬉試賞憑闌罷夜深古

月上法王無盡示真乘

降旨命免直隸歷年逋賦詩以誌事

江南百萬豁逋租絜矩京畿此豈無多厯寧因少

忽耳

頃詢方觀承知直隸自乾隆十九年至二十六年未完緩徵各項計三萬有餘雖為數不

及江南四十分之一而拮据輸納情自相同因降特旨蠲除俾閭閻益資饒裕遠憐翻可

近忘乎况當禾稼連逢熟益使錙銖不藉呼庶俾

閭閻歌樂歲春風載道共民娛

燕九日趙北口行宮觀燈火同扈蹕諸臣聯

句有序

籞臨瀛海宜開不夜之城節踵皇都競說長

春之錄五日韶華正啟青郊方令布和車四

巡清蹕重經碧渚尚光凝凌鏡緬前度鑾行

麗午冰嬉剛值上元屬今來典重

祈辛燈宴恰留燕九時則雪融三白風遞初番歲晷

吉而漿酒占豐月華朗而汀洲含淨掖

鳳輦以申燕喜淀池卽是西池曜龍燭以洽鳧懽澤

國何殊南國矧蒲澥鴈臣歸近數程許暫扈

勾陳乃蘭衢驂豎迎駢一曲聽歌聯于薦記

陌上買燈甫過景復餘妍看樹頭戲火徐烘

嘶原待泮望裏虹橋入畫晞輝當析木之津

數來鶴駕超塵駐景衍鍾離之派爰集從臣  
而專席仍依例事以賡篇珠聯擬十二星辰  
六符更映玉潤合三千風月五緯全呈祝

釐緣日叶仙源崇觀白雲最喜舉頭生慶展義本時  
咨民隱芳園紅杏慢重婪尾增華

御製 婪燈燕九猶嘉夜恰值巡方駐渚宮搦管聯吟  
堪數典

展軫有

詔重宣風黃圖藹若春園煦繡甸佳哉氣鬱蔥凌

沼漾晴澌的的臣傅恒 麥畦含翠茁芄芃三登

留熟歡聲洽六出含精

闔澤蒙祀粥尚沿膏泛白臣阿里袞 買燈還續蠟燒紅

望延吳越瞻

天日踵繼燕齊祝華嵩鳳展九苞扶

翠輦臣于敏中

御製 雲垂五色護朱櫳

高年慮假登樓步燈節宴賞例結綵樓奉 皇太

陟為勞命 改設平屋 平屋堪娛玩景瞳養

志承

歡敢弗黽

乘陽頌慶此云同燃來蓮蕊攢成錦種得芝

田煖欲烘水鏡朗懸層漢上臣錢汝誠玉蛾齊繞

萬花叢潛蛟室底千絲繭飛鳥行邊百尺虹

著地還騰縈匝臣王際華曳霄不下挂玲瓏跗

呈頃刻瓶罌裏節啟歲蕤橐籥中線掣蜿蜒

交列缺臣蔣櫬

御製鞭驅霹靂導靈籟奇踪艷說邱仙伯誕日兼傳

越國公走馬擊毬城外盛

騫鸞訪籙羽流崇磻溪逸蹟徵時可嶠嶺仙

源溯大通方朔偶然游度索臣雙慶廣成竟爾

在崆峒杖龍影已寒池澈笙鶴聲猶夜月隴

丹竈霞棲瓊觀靜臣全魁珠幢雲擁碧臺穹萃

元芸秘香餘篆太極松幡蓋自籠慶序京華

傳覽揆臣張若澄

御製熙韶瀛海緬飛翀共看趙北冰嬉麗似遞江南

春信融扈蹕况隨諸伯克

欵關久致古筠冲錢鎔普爾新遵范布貢兜

羅舊織網不比名王空質子臣呂於今絕域

盡抒忠賣刀已市千頭犢折矢仍韜八札弓

豹尾幸陪知感切臣孫灝

龍文榮綴荷

恩洪

湛涓普被天山北和盎纔迴渤海東濃粲笑花蕃

且吉臣申甫

御製高轟喜爆熾方隆行時信可同民樂祈歲端因

厘穡功掩映水村益佳致

訢閭澤國肇綏豐七真飈轡攜鍾呂兩淀星

橋亘鄭雄盤鯉獻常擎野叟臣于敏中篠驂舞更

迓衢童焱歎凍藻喧鳧鳴采絢蒼葭起雁鴻

響送蹋歌諧鼓枻臣錢汝誠光回銜燭徹張罾漁

戩浦遠輝晶晶蠓斲林開炬奕熊幾點微茫

粘曲岸臣王際華

御製半籌約畧照疎篷西汀火樹爭輝夕東壁銀輪

慢輶空未可忘言答韶節

雅宜卽景繪熙工莊生見說魚知樂老子嘗

論道用虛故事記曾催擊鉢臣蔣新詩繼復

許連筒榮叨給札霑

優渥速愧傳箋訝遽恩雪後培滋如霖臣雙年

前積素尚寵從大田佇見耕人出萬寶從占

廩實充寒勒風條芽折柳臣全

御閨添花信葉餘桐烟收此夕消金燄路指明朝

策玉驄排當去聲前途宣命罷南巡向以燈節前啓

茲展于上元後一日計至此已當即斯已覺歆吾

衷

鄭州道中作

鄭州久省尚存名水郭人家漁且耕大抵治民戒

滋擾郭駟傳裏語尤明

夕

村名易思賢舊名四善村壬午南巡駐此以所思

因授經漢室重儒術遺學賴用明太傅興是邦津

梁接後生高臺今復起傳實原以名三年此南巡

行館重駐停昨日度燕九春郊已收燈夕齋有餘

南遊盛典 卷二十九  
暇鬧後喜謚清簡編亦在案迴憶當年橫注疏我  
未逮惟是勗躬行

思賢村行館壘舊作韻

常山太傅授經祠津逮於斯憩息宜汲古端知稽  
此要經邦寧復藉他資自專韓氏惟傳易衆好  
燕人尤述詩不號行宮號行館愛伊樸簡契無爲

去聲

河間道中詠古

獻王祠

班史諸王贊有云宴安鳩毒述前聞獻王好古事  
求是大雅千秋祀不羣

簡子城

每思周舍歎千羊尹鐸終嘉壘晉陽趙附晉懷應  
在此鈞天賜筭失荒唐

扁鵲宅

越人舍客遇長桑謹事因之授禁方疾論桓侯應  
及蚤秦醫何自不能防

亞夫城

營臨細柳識將軍霸上棘門兒戲羣取箸設非形



鞅鞅温人善相亦徒云

董學村

三策原非時事疏醇儒惟董豈虛譽天人註盡春秋理繁露翻嫌太鑿諸

閻邱臺

詘服公孫弩禁民巧言漢鼎得全身賜金伏法不旋踵品行原工格五人

瀛州南樓五疊沈佺期韻

古郡仍木譙不見樓干霄藉問繁華地幾不歸婁

寥瀛州復經過和鈴鳴春飈緬彼盛唐代度此第

三橋比肩許宋近遊燕勝驩遙

佺期仕武后朝給事中坐交張易之

流驩州遇恩復官復因內宴歌迴波詞以邀緋袍

牙笏之賜其詩名雖著盛唐而諂媚希榮實為士林所鄙耳亦可安命分猶然怨譁囂今讀迴波詞孰不

鄙其謠

題毛公祠

博士始稱毛獻王慶際遭上承述卜子下接逮徐敖藉以觀虞夏誰云祇粕糟古祠旁駐罕行繹一

焚膏

南遊盛典 卷二十一  
憶昔一首示直隸衆官

憶昔壬午過是郡甫經災沴民未蘇歷覽雖鮮鳩  
鵠狀寧免飾觀經蹕途其歲夏秋復兩失調幕乏  
計惟增吁蠲租賜賑不稽澤救急詎弗遺向隅

上

天好生默旋轉癸未幸歌西成愉去年夏秋更均  
穫桑棉瓜菜皆豐腴策驄欣閱元氣復黃童白叟  
真懽娛戶有崇墉村象美衣無須捷人面舒乃知  
補直信何濟力田豈似逢年乎因之逋賦概豁免  
索俾閭閻追追呼方伯有司日扈蹕此慶共銘汝  
與吾然宜抱媿何修致不宜志滿誇祥符

河間道中憶獻王事有作

帝子當年好經學韓毛撰述闢紛囋至今畿輔稱  
多士必屬河間文物邦

造次於儒儒好

去聲

醇山東俊秀盍朋臻兔園笑彼

梁王武徒致鄒枚詞賦人

三雍五策善尊聞宜獎賢藩績學勤何事艷然難  
孝武勉之翻用舉湯文

紅杏園四疊前韻

南巡盛典 卷二十一  
獻王昔好學竹簡論車輦招致道術人賢材率來  
館得書獨稱多儒學因之顯古地闢今園春風又  
席展何事消清暇摘詞興堪遣五詩四疊韻用以  
彰厥善

於景州行館作

地方官以

皇太后高年旃屋究不如瓦室之暖因建行館以備  
憩息義重  
溫清且事已成遂不峻拒東省頗亦有之然非朕本

懷故詩以誌愧

行營向所諳隨處足停驂如曰

高年養無過數字堪何來景歷歷且復屢眈眈覺適  
以爲恧惟清信可耽牙籤供古鑑紗牖納春含未  
得忘言去言斯自識慙

景州行館八詠

展義齋

樸宇數楹臨駐時視事於此觀民展義意  
斯寓焉

新闢行齋駐罕旌由來不說事云成便教摘藻題  
展義思義還因惕顧名

頤志堂

堂為恭奉

皇太后安憩之所叶時

温清於

高年頤養尤宜

四度南巡奉

聖慈樸堂温清適相宜承

歡常仰

身康健大慰吾心乃在茲

通淥橋

板橋宛轉淥水斜通步履往來儼然江鄉

圖畫

一泓淥水也成溪屨步通橋雁齒低阿那堤楊雖  
未綠柔條拂處已生稊

澹懷室

行館後為邃室幾餘靜寄因之澹泊明志

南遊盛典 卷二十九  
深契澄懷

溪畔軒庭一宿便琴書猶覺過清妍澹然對處懷  
澄照寧祇方心似水焉

延月臺

平屋傍疊石為梯登之可揖東山之月時  
雖過望意足千古

月與高人雅作陪於吾何有乃斯來石梯設以皇

山擬方構誠為米氏臺

米芾寶晉齋東有月臺而  
以上皇山樵所告異石致

其側茲臺疊磴玲瓏亦以石  
勝應不啻寶晉桐杉間耳

涵虛舫

池上舫室可居非水非陸而兼水陸之趣  
南華虛舟之喻足以當之

卽室卽舟臨水裔不浮不繫任天真今朝識得涵  
虛妙凍浦雖風那漾淪

葆光洞

延廊窈窕間環以石洞雲根含潤髣髴有  
光

縵轉遊廊石洞穿趣含幽顯得天然何須僕僕尋

丹藥步此應逢元圃仙

四照亭

四柱翼然清景隨方可攬會心咫尺政不必艷舉西湖

蹕停過午恰餘閒四面春光攬結間雖不刻舟覓

津逮遄飛逸興亦孤山

孤山聖因寺行宮八景其一日四照亭

南巡盛典卷三十

天章

乙酉 山東

早詩

過德州浮橋有作

漕河聯艇作輿梁鞠脰迎鑾夾岸傍何處黎民非赤子那分彼界與斯疆全無菜色誠予喜自有鴻恩副衆望不數里遙蒞行館樸齋書史足徜徉

五依

皇祖德州卽事詩韻

轉輿指東陸紀序正春初省方將設教有舉必應書

百年

祖制昭七萃軍容肅不遊體以休曰豫凜恒燠

恭奉

皇太后觀烟火卽事

早傳度節屆燈收大吏偏稱備已周

燕九已過不應再陳燈火

而東省大吏以時值春正節月入疆首頓迎輦祝

瞻以彰同樂因所請尚屬且是未過正月內更兼

近理且供具已周遂聽之來觀萬民稠春郊合奉

思齋賞夕景何殊樂國遊星箭騰空數無萬增

齡都作海山籌

再疊畫梅筵頭詩韻

昔畫梅梢一今題詩句三見奇應在少香雪待東

南

降旨免山東積欠詩以誌事

輸多欠少詎能無積少為多遂屢逋江浙已胥霑我澤青齊忍聽向其隅率因災歉成陳負概與優

蠲俾眾娛

昨崔應階來迎蹕詢知濟南各屬乾隆二十七年以前因災緩貸各項積至十

三萬有奇因降旨概予豁免俾民力益資充贍絜矩要從民所好為民父

母意殷吾

賜山東巡撫崔應階

此地向旬宣撫安遂晉遷

崔應階先任東省藩司因繼阿爾泰擢撫本省

奏辦荆山橋一帶水利工程頗見利民任事理疆皆熟路涸淤為疏川

斯識勤農要寧嘉供帳便前人芳軌在努力繼其

賢

前撫阿爾泰實心任事經畫得宜應階守而弗失是其所長

德州行宮再疊舊作韻

三年東國宛重莅幾宇行宮占首程盆卉含胎方

欲綻庭柯圍拱已將成展芸靜覺蓮壺永摘藻長

看花炬榮惟是黔黎所厪念豈因今昔慢牽情

河南巡撫阿思哈來迎蹕問以豫省政務隨

遣去

連疆來謁蹕前席細詢民去歲逢秋美經冬望雪

頻雖霑究非渥有澤不應屯日厪閭閻計何殊目

覩親

御行營



規制方圓天地交

凡行營之制周廬外圓而布答城內方朝家舊典取義甚精

陽遠望見旗旛不勞構築得棟宇實便捷攜歷旬

郊羶室了知勝行館土階更弗藉芡茅愛斯與我

周旋久塞北江南風月巢

填倉日作

御營廿五稅駢驂今日填倉渡濟南麪餅月形團  
箇箇韭芽春意綠鬢鬢中心祇祝茅簷遍一飯常  
懷玉食慙大雅漫須嗤俗節喜他名義寓餘三

齊河縣行館作

晏子祠邊十畝居春風初度駐鑾輿雖然數字樸  
欣此尚覺中人產厓予地久自饒老松栢幾閒相  
伴古詩書龍門合傳無須讀比似伊周遠遜諸

題晏子祠

枕股寧稱見義為委蛇以出賴工辭史遷偏有執  
鞭慕解贖應懷石父知

嘗謂莊公之事晏嬰成禮而出史遷比之見義  
而為非正論也且晏嬰獨非齊卿乎既為卿雖  
不必以身殉無道之君獨不當討為逆之臣耶

南巡盛典 卷三十一  
乃游移其辭尚自託於義而委蛇以退此寧可  
託於明哲保身之道哉審如是則孔子之請討  
陳恒反爲不當乎史遷無卓識且毀譽背經者  
多矣茲因過祠詠古特申其義至於執鞭之美  
益覺卑鄙蓋史遷悲已之陷罪無救者耳而司  
馬貞索隱謂之好賢樂善後世熱中標榜者流  
率由斯道祇可鄙無可法也

麥色

麥色吐青微紐芽初發機看憐塵土翳爲望雪花

霏冷釀心猶慮雨佳時又非籌農展轉意不識竟

何依

見山

北背太行隱南循廣甸披甘朝無罨目清曉忽呈  
眉望近行猶遠因高亦及卑雲中青未了恰是杜  
家詩

閱本

部章過節郵傳至

每間兩日京中封奏一至過節開印則兼有閣部本章

秉

燭氊廬悉處分吏治民生慎幾勅法宮蹕路敢殊

南遊盛興 卷三十一 五  
勤黜雖敗類心先愧登得賢材意輒欣少讀魯論  
記提要曰難惟是惕爲君

四依

皇祖南巡過濟南韻

四度濟南不入城恐防一日百悲生春三月昔分  
偏劇十七年過恨未平排遣閒情歷村墅殷勤正  
務視寧盈明朝便近方山駐秀色遙看雲表橫

靈岩寺西入石路三用唐劉長卿韻二首

例必由西入石蹊皴綠苔今朝暫彼宿明日率斯

回僧自不他去佛原識我來秦苻境已闢唐李法  
重開梵唄分筵演刹竿當戶栽名泉試甘露漉雪

一浮杯

路遵道林石碑古麓山苔

二語隲括  
劉詩題意

兩寺今千載

三年又一回因懷長卿昔曾訪法崇來勝會久寥  
寂禪關自闔開老兵呼已得司馬禍誰栽望古興  
遙集何妨爲酌杯

靈岩寺再疊前韻

烟霞朝暮傳心印泉石古今愜性靈不二殿旁法

松鬱

摩頂松相傳元奘植

成雙門外刹竿亭風來簷角虛鈴

語春入山根新水渟此是色空無著處作麼更覓

梵王形

再題靈岩寺八景

巢鶴岩

瑞跡原因法定開胎仙那識去今來層岩或見猊  
猊者莫認當年丁令迴

甘露亭

一例回回山下泉名稱甘露豈徒然法王能灌羣

生頂會否原來在汝邊

卓錫泉

泉如為所錫為能有卓應非最上乘藉問阿誰留  
此蹟依稀云是佛圖澄

摩頂松

法師西域返關中弘福譯經闡梵風何涉殿旁摩  
頂樹真成野語述齊東

鐵袈裟

鑄鐘弗就袈裟就孰是幻兮孰是常或曰石堅如

鐵耳難持一切問榮將

白雲洞

昔年迴蹕憶登峯疑見仙人馭鹿踪春曉尚寒且  
無暇白雲洞口任他封

雨花岩

弗隨冬謝逐春芳滿意清涼滿鼻香更不分疏著  
與否較於天女散猶強

愛山樓

高低七景圍山寺獨喜書樓在小園更不安名徵  
故事包涵無盡意中存

方山歌

久行廣甸思見山侵尋行入衆山裏行山未若宿  
山逸宿山况是山最美山方宛似碧玉符帝付東  
皇俾掌此熊熊奕奕鎮齊疆蘊寫靈泉爲玉水是  
時峯頂春雲起霧雯靉黳流成綺羃松鋪谷乍有  
無岩齊響像難容擬爲霖信好雪亦佳麥壠崇朝  
潤千里

駐蹕方山再疊前韻

南北靈岩若合符一般佛宇足遨娛由來在此卽  
言此何必分區有定區計里而行堪駐矣闢齋以  
待豈宜乎壁間相映朗公石却是前巡手自圖  
寫摩頂松放歌紀事

大唐新話稱摩頂松在靈岩寺爲元奘遺跡  
夫唐時建都長安元奘發軔自必由彼而取  
經回譯經於弘福寺亦今西安地誌乘班班  
可證於此地無涉或元奘由此詣長安譯經  
事畢仍來居此或長安亦有靈岩寺均不可

知此當徐考耳然松旣以摩頂稱卽予屢經  
吟詠何嘗不人謂之松而亦松之茲欲寫其  
形則知是栢非松名或可以假藉實難可與  
遷就竭爾成詠其亦有戒于斯夫  
元奘取經摩松頂謂曰將歸當東指因之新話傳  
靈岩今看是栢松非是設云後人所傳會種松亦  
易何爲爾人謂之松亦松之幾度拈吟不可否  
斯地斯事其然乎姑且置焉徐證耳虬枝東指則  
誠信佛殿邊旁特孤峙千年以上歲斯歷玉節金

南遊盛典 卷三十 九  
幢入畫理我欲寫形知是栢顧名爲松面先泚松  
之與栢實易辨尚致淆訛有如此賢否萬狀目前  
陳吁嗟鑒別真難矣

寫摩頂松圖成復走筆賦此

松以元奘傳古蹟栢忽居之主遜客謂栢卽松松  
又非却有指東枝歷歷謂松卽栢栢故是那見五  
鍼可假借以訛傳真真已訛真訛是非更滋惑復  
思太古始製字栢謂之松松謂栢是非真訛究何  
辨名循至竟奚實責擲筆大笑有是哉拘墟戲論  
終無益

方山夕景

蒼去聲蒼落屏山冥冥暗柏關蓮檠一室靜梅缶萬  
幾閒近見疎星綴遙聞幽澗潺今宵有清夢亦祇  
在民間

聞京師得雪

看眸其雪盼懸胸齊甸生雲西北濃空負晦晴兩  
朝度已聞畿輔六花逢孰非民計心胥念却爲去聲  
目前意鮮上聲惊三度蒙陰有奇遇三次南巡過蒙  
山均遇雪皆有

恭依 皇祖 庶幾符澤望先顯  
蒙陰積雪詩韻

賜河東總河李宏

南河久董役

李宏在南河最久由微員洊至淮徐河道

北省特掄英試

小將投大惟明更要誠固隄綏禹甸輸漕達燕京

河東總督兼管山東運河諸務

咨度久安計寧徒扈蹕行

望

岱廟有作

翁河喬嶽例馳香告

祀涓辰遣太常詎止一時修故典都緣萬姓籲

明慶配

天作鎮欽

神德

廟中扁曰配

皇祖御書

與地無疆祝

懿祥漢柏輪困嘉蔭下春風曾憶小徜徉

過泰山六依

皇祖詩韻

祇合登山小天下誰能昆脚與皆頭已看嶽嶽雲  
霞俯未了青青齊魯浮嶺別陰陽分作郡星明角  
亢照爲州逮今五度賡



元韻爲有峯巔

聖蹟留

大嶺隆崇自叅漢衆峯拱揖若駢頭春朝又覩神  
霄矗佳氣忽來馬首浮憶昔

豫遊臻上界至今樂利遍東州千秋欲問登臨者幾  
箇能如杜句留

四賢祠行館作

平陽弗愧先生席孫復守道願居弟子行石介原魯雅

欽曾造第孔道輔翼之不合竟同堂胡瑗威儀一代巾

將履俎豆千秋梓與桑何必於傍行館築斯之未  
信祇徬徨

正月晦日馬上口號

階萸落盡過正月恰與行程日日消歡喜民情真  
美景底須故事舉唐朝

過汶河

冰解中流細春初兩岸高原山派亘野濟水會資  
漕麗日虹翻影輕風毅不濤黔黎迎蹕路情更切  
前遭

二疏城詠古並論其事

二疏當日傳東宮移病歸鄉名行崇論語纔通斯告退得無師業未全終

賜金共饗不遺留達語原爲早見流或識孝元本庸懦遄歸奇禍免蕭周

纔授魯論及孝經五年師席告歸聽爾時何致千金賜紀載班家信豈寧

嘗謂二疏恬退固屬高行然以實蹟論之旣居教授東宮之任豈纔通孝經論語卽謂已盡吾職而求去去亦可矣何至帝賜之黃金二十斤太子又賜之五十斤以兩計之則已逾千兩矣黃金千兩今不易致且太子安得有五十斤之黃金率以賜未卒業之師傅哉蓋班史不過欲艷傳其事遂致辭失過當未可盡信也

二月朔日作

魯甸入侵尋春風六轡琴柳黃意猶淺麥綠望非深又已消正月了當惜寸陰便宜却今歲仲朔會重臨

至泉林三疊舊作韻

一山陪尾又負尾紀載從來艱確明按轡早知行  
館近駐旌剛值曉春晴所嘉東國羣黎樸已有南  
江大吏迎四度

安輿奉遊豫同民翹首祝

釐情

橫雲館裏忘機坐

橫雲館為泉林八景之一

那是前過

平聲及此

來最愛林泉若相候且欣甌研與為陪

子云逝者如斯耳回嘆末由也已哉觸目多成慙

愧處敢從勝境恣徂徠

賜山東巡撫崔應階及屬吏食並詩以示志

駐輦有餘暇賜餐聊示恩法廉誠吏本衣食亦民

源要以聯堂陞勞哉扈輜軒樸齋供信宿華飾戒

從繁

泗水源上作

陪尾多名泉流雲

泉名

此其最乳竇淙靈脉成池滙

衆派其清鑿毛髮其甘擬沉瀦水藻經冬活梳為

錦繡帶石子鋪底勻訝作珠瑣碎我來凡四度每

度殊神會春風憑曲欄滿日生清快遐思子在川  
末由歎又喟

坐橫雲館得句

負尾一拳石之多叢生古木殊駢羅曲廊團圍闌  
月戶中有雲館棲青螺玩水不足玩山屋知樂仁  
樂同清淑何當膚寸蔚英英為雨潤資南畝俶

四題泉林行宮八景

近聖居

泉林豈是泛林泉聖蹟昭如雲漢懸雖未奠芹臨

曲阜西瞻近矣倍顯然

在川處

靈淙乳竇泗之源川上宣尼昔有言逝者如斯恒  
不舍如斯不逝亦恒存

鏡瀾榭

鏡空弗設妍媸見照者妍媸自彼身設向周書等  
切已不於斯監要於民

橫雲館

靈境由來迴出羣山嵐川靄相入氤氳澤民解作

東郊雨龍井那誇一片雲

九曲約

板橋九轉接溪涯溪裏新蒲發凍荻屨步莫嫌頻  
中矩越因曲折致偏佳

柳烟坡

窄地柔絲若弗勝雅宜澹蕩曉煙凝協時祇合觀  
生意王氏詩情底用稱

古蔭堂

鬱蔥古杞盤嘉蔭翠覆書堂甌研間致我畢然集

遙思去聲安能揖讓見其間

紅雨亭

昌條春曉未敷榮神解還因靜賞生既有芳菲須  
爛漫曾非想像漫題名

于公宅詠古

東海有孝婦獄因姑女寃于公爭弗得太守竟殺  
旃以此闔郡中枯旱致三年後別太守至于公為  
且言立祭表其墓大雨乃獲田先是治門閭公令  
高容軒謂已多陰德子孫興必傳定國果封侯他

南遊錄 卷三十一  
事姑弗論但論孝婦事弗能無疑焉旱甚民受困  
太守追誅虔以一殃億萬

皇天必不然讀史鮮卓識日迷隨馬遷好奇謬如是  
永言砭厥偏

望蒙山三疊舊韻

將謂其滂昔歲同

前三度經此  
皆遇雪有詩

不期孤望此行中

山姿雖是分明見麥色偏憐塵土蒙  
罨畫懶看平野景吹雲厭作落崖風  
亦知遇閏遲節令及早心希利穡功

過古鄴城詠事

千取百焉亦已多不厭不奪竟操戈  
幾先要在慎名器尾大徒勞歎若何

萬松山駐蹕

前巡停蹕茲駐蹕爲

去聲

愛蒼松欲久陪白月喜於

踈處度清風時自杪間來小軒早是臨高置懸牖  
偏宜向遠開我本不希學仙者而何遊涉宛蓬萊

萬松山行館卽事雜詠

松

南遊盛典 卷三十一  
底論三鍼與五鍼盤虬撐蓋總嘉陰本來不藉時  
人種箇箇拏枝聳十筭

柏

有松那可獨無柏恰似夷齊弟與兄落落庭前正  
相對便先憂者也怡情

逕

逕以縈紆乃致佳修篁錯植護書齋一時點筆促  
成詠不道暢懷道欲懷

廳

下俯橫溪遠見山坐遊領要謝躋攀南來大吏咨

詢罷

是日兩江總督大學士尹繼善等來迎召見問政務

恰合消茲片晌閒

廊

齋旁軒側接迴廊各有雲牕俯下方屨步其間如  
讀畫一時莫辨孰倪黃

石

突兀玲瓏各鬪奇高低位置雅相宜盡心用此勤  
民務吾不憂無賢有司

梅

南遊盛典 卷三十一  
盆椿消息遞江南三五疎英清且醜故里原稱何  
水部欲因摘藻却先慙

月

半彎新月又牕前研潔甌香伴靜便一宿底須費  
爾許越因適己意怍然

題萬松山北軒

北軒殊不遙平地履數武據榻忽下視訝在霄漢  
宇祊河近縈帶蒙山遠罨戶山峙與河流豈不自  
千古熾然有去來詎識安心所

暖

春光臨仲月地勢進東南總屬向暄去寧須數  
節探征裘換細毳客路緩輕驂喜在芳郊望麥苗  
綠意鬖

雁

南來早識吳江暖北去先傳太液春肅肅橫空清  
送響笑他思發羨詩人

檀廬夜雨

二月初五日

雲陰便思雪獲否尚疑然何幸逢春雨真資潤大



南遊集 卷三十一  
田披寒一廬永聽響半宵連爲想明朝路芳郊景  
異前

晴四首

曉煙輕泮欲開晴潤浥東郊啓蹕旌三寸已霑不  
致濘農夫行路兩怡情  
麥壟南來已發青香含宿雨濕溟溟愛他平野珠  
光綴日照風翻無定形  
似此春霖遇豈多老農村外笑婆婆傳宣大吏馳  
郵問迤北霑膏究若何

雨潤日暄恰適宜柳條黃染露珠垂分明一段江  
南景借與人間二六時

明日卽入  
江南境

鄒子園壘舊作韻

茲尚程鄒境昔猶少皞墟烏官答問遠塗蓋論傾  
餘述古真班爾居今又駐予數間雖樸若一宿豈  
煩諸苔砌訝如許芸編伴所於摘吟排日有右史  
可同書

南巡盛典卷三十一  
天章  
三

南巡盛典卷三十一

天章 乙酉 江南

詩

入江南境

雨霽仲春初策驄却輦輿瞻依從衆願長途雖御輿輦每策

馬則民得遂瞻依趨隨呵禁戒相於弗令侍衛呵

幾至萬人亦盛事也麥露含平隴柳煙護遠墟劃圻各迎送禁羣情益喜

竟集鞭鐙左右矣分野異青徐民望真憐彼江浙之民河防益厘子望幸者多

入疆欣幸者氣象較前舒淮徐向為瘠土每歲被災邇年疏濬六塘水有

南遊錄 卷三十一  
所歸幸逢連歲有收民間  
氣象較前畧蘇為之欣幸

四依

皇祖示江南大小諸吏韻

士不談王道或致笑樵樵而况任保障民瘼應細  
剖繁予巡江國三年隔未久入疆古有慶要務安  
黔首漢良二千石召父與杜母政不在催科心惟  
籌吹畝揚徽彼居前繼美誰當後其司水土臣金  
隄在鞏守文武縱殊途和衷貴相友前度示訓言  
已勒琬琰壽賡韻重申意實踐毋虛負

度永濟橋再疊舊韻作歌

長橋臥波如虹迤中泓有水旁無水夏秋淫潦藉  
此消前人建議所由起其如六塘填闕多重臣命

往悉心視

湖水由橋下注為六塘河中向多淤  
埂夏秋漲水宣洩不暢輒漫及田廬前  
巡經臨籌度命大學士劉統勳等上  
下履勘定議濬壅培隄俾資利導 土水合穰俾

剔導大禁淤田侵河裏責成則各有司存

六塘舊  
無專駐

之員土人侵占河淤莫知節制又尾閭橫經鹽河  
商利蓄而民利消啟閉所關綦鉅自前巡增設牘  
壩且簡廳員移駐董  
事章程始為可守 怠緩從事將罪爾三年以來

頗見效秋禾未致為波毀下民清問較前蘇乃知

南遊盛典 卷三十一 二  
事在人經理臨斯上祇切恫瘝善斯後莫懷矜恃  
此去淮黃審所行兩言敬畏常銘以

六塘河壘舊作韻

治水無奇術要當使歸海駱馬之下游厥有六塘  
在疏斯受利益淤斯受危殆而何久因循弗謀更  
張改往勘命諸臣事在壬午載地利相機宜民瘼  
救吝悔僉同亟舉役肯作道謀待哽咽與濬通卑  
薄與培倍鹽河置閘壩節宣有定楷自茲潦歸壑  
耕犁得興乃力田免水患民自以不怠近歲頗獲  
收閭閻象熙愷詎予獨斷臧實藉羣言採

順河集行館壘舊作韻

橋過永濟不多程行館西鄰宿預城數字瓦房樸

非殿周圍布帳制如營

南來行館率簡樸非宮殿  
比至此處則益令從約內

則數字外列布帳為  
周廬仍如行營之制

柳絲牆外搖還弱蘭朶階前

馥以榮到處懋勤供研匣捨斯何用遣閒情

暖

陰晦便涼晴便暖江南風氣早曾諳不知香雪能  
相待開到盆椿十已三

順河集行館詠盆梅疊舊作韻

借問時巡奚所重蓋在觀民與課吏餘暇風物亦  
因探綠柳紅桃豈留意言花其必屬寒梅恰見枝  
頭數英綴前度曾無一朵開拂紙為寫含苞致今  
來乃放十之三是則色香標淨味擱筆詎關欲藏  
拙我於无咎得其義非因遊蜂解神韻幾以野梅  
遭頓置獨不見粉白黛綠盡精工乃有時人與深  
契

賜江南總督大學士尹繼善

綸扉昨已命和羹江國仍資扈蹕行明代稱賢必

王仁石守永漢家推盛則韋賢平當封疆幾處皆時

望旌節卅年獨老成亦識心殷依北闕待宣入閣

贊樞衡

賜協辦大學士刑部尚書仍管江蘇巡撫莊

有恭

重教任蘇撫近復擢秋卿豈不輕車藉要資法網

平蹕塗暫留扈翰幄自歸并莊有恭早官侍從歷

尚書摺深以仍趨侍內庭為喜德政吳松在何曾讓畢亨明史畢

南遊錄 卷三十一  
松江大惠民前年莊有恭亦奏  
請疏治蘇松湖泖圩蕩各工

涼

一夜濃雲時細雨曉陰涼頓生爾許迴憶昨午欲  
脫裘其暄瞥眼歸何所江國暄涼幻若斯人情寧  
獨無有之輔相左右胥吾事詎惟問景恒吟詩

過宿遷縣

大隄臨運水宿預過名城煙火隔隄庶倉箱際歲  
亨殷勤詢吏治親切愛民情花柳遲何礙吾寧問  
景行

隄上四首

淮北由來本瘠土六塘疏治起耕畬迎鑿萬姓休  
稱頌爲汝宵衣尚愍如

累跡摩肩隄上鋪果看氣象較前蘇寧徒云慰畢

吾事駢疊恩綸有後圖

夾隄栽柳爲

去聲

河防

河兵例於隄內外種柳以供下楫之用

高下成

行護野塘却是春風不相讓輕搖絲縷半薰黃

大隄內外麥青蔥食接青黃跂望中趨覲萬民略

塵埃恰欣細雨潤濛濛

過仰化集自警

策馬重過仰化集因之返已深長思三年必世斯

已歷風醇俗美夫何時長官宣訓有典故每月朔望有司

宣聖諭廣訓耆庶環集家喻戶曉誠難其設

日程督俾盡力矯枉恐益騷擾滋神禹惜陰乃敏

德大舜南面臻無為富猶艱致教豈易顧名安得

不忸怩

降旨免宿遷等四縣本年正賦十分之五詩

以誌事

憶我三番曾過此滿目民艱恫瘝視蠲租加賑不

少靳究亦無能瘡痍起壬午之歲博咨訪略覺其

中悉源委因之疏剔六塘河果然潦退堪耕耜人

事盡而

天貺隨連歲秋收皆獲美茲來殊覺大改觀憑輿歷

覽心生喜戶有蓋藏育雞豚衣鮮上聲襤裂贍婦子

不災不賑奚所加究欲加恩念無已因思時巡免

正供十分之三常例耳數縣瘠土應倍憐益二至

五斯可矣留有餘用蘇茆簷減一半惟投縣甌佇

看元氣復閭閻庶協以休以助理

雨 二月初十日

雲容兩日密鋪空曉霧旋霏細雨濛故識江南此  
易致却思移澤遍齊東

賜江南大小諸吏食因示志

負弩概勞勤肆筵洽衆欣聯情交泰陛霈澤叶需

雲 是日值雨因各賜帛爲霑衣也 後樂吾獨惕先憂誰共分惠鮮

端有要所望莫孤殷

清河道中雜詠

夜雨連晨曉未晴大隄以上御車行山東塵土江  
南濘轉眼如人無定情

迎鑿黎庶聚猶多雨裏郵曾笠與蓑愛敬真如子  
於父可無惠保計如何

御營將近忽開晴隔岸清河見故城遺跡元明籍  
可按孰非保障爲民生

和門近對運河濱來往誰何禁不申瞥過風帆信  
如畫明朝也是畫中人

閱中河



東西昔屢更惟此協中行

聖制利千古

中河視所定利賴無窮

皇祖相時巡仰

大成黃河南滙近汶水北分清擬命溯洄舫詳觀濟

運情

向來南巡返蹕皆道陸今年命由水路御舟而還欲以觀運河節宣情形亦要務也

楊莊牖四依

皇祖詩韻

通漕北南千里餘審形建牖俾紆徐臨黃最以斯  
為要虔鞏節宣計漫疎

仲春遲日靄晴絲玉馬觀民轡緩移疊跡摩肩縱  
瞻就不訶七萃早羣知

渡黃河六韻

雨霽物熙春風恬波靜淪綵棚叩

靈瀆

渡黃時有司於北岸具綵棚為躬祀河神之所辦香展敬始登舟徑渡

畫舫發

通津

惠濟

祠名瞻前見

慈寧奉四巡安瀾一川喜彼岸片時臻

天意昭恩佑人情愜愛親自惟何以答勤政與仁民

惠濟祠

河畔崇祠金碧煌渡河瞻禮敬誠將代

天敷佑今兮古行地昭靈清與黃利涉往來賴

神貺升香楮帛籲民康敢云

錫羨由昭假慎德惟殷勵不遑

觀清口出水誌疊舊作韻

審悉洪澤患率緣清口壅東西東兩壩惟留一壑  
送此固具深意蓄清敵黃縱所以靳拆壩亦半惜  
費葑然其勢既盛又當權輕重何必恃五壩

設仁義禮智信五壩以為洪湖尾閘之洩俗所謂天然壩也一過水而下河無不被災之理向屢有

詩云有尾閘供久度入聲略知要欲救為魚痛獨斷

示機宜初不資紛訟尺寸慎詳計每壩口水誌增長一尺即令清

口拆開十丈準是為式然後上下節宣歲無羸縮拆收在敬用河臣奉此

策年來豫留空五壩未過水幸哉言偶中計其拆

收費帑金數萬動下河連年收曾弗驚泥洶損益

多少間昭然知者衆觀民與觀河豈可辭倥傯隄

上相咨詢珠勒轡緩控株守亦非佳推行貴錯綜

苟其利吾民慰哉奚勞頌

過清口觀木龍六韻

清口乘舟渡木龍欲審觀誠非虛費帑

建一木龍計費至萬

金果見有淤灘閱罷西涯戀泛迴東岸歡

而西緣

隄閱視木龍四悉其掛淤情形因相度河勢於陶莊積土相對處諭河臣添建木龍一具俾益收挑溜之用事畢旋艤西涯之民有戀意而東岸之民益歡迎何曾嚴蹕路竟是近

隨鞍幸不為民畏由來以子看河工謀保障安得

不心殫

### 木龍示總河高晉作

積土陶莊勢久成逼黃恐致漸侵清日斌重舉木

龍製

此宋陳堯佐法高斌效而為之

汝晉仍於沙渚營南漲北坍

雖有效

前巡相度清口允高晉請添建木龍以資利導兩載以來南岸新漲灘二百六十餘

丈北岸刷去舊淤一百四十餘丈護工挑溜已著成效

揚湯止沸可無驚河

工艱一勞永逸補罅期輸爾我誠

### 閱河四依

### 皇祖詩韻

閱河歷歷仰

堯營挈要云由地裏行稍事調停在清口下河連歲

幸收成

河臣向皆斬拆清口平時節宣未暢下游易遭漫溢壬午春巡定制以高堰五壩水

誌高一尺清口即開放十丈為準下河頻年不受水患歲獲亦豐

御安福艦

第一行營駐水郵明朝將進溯游舟巡方為重久  
安策育物敢忘錫福籌風月仲春纔澹蕩湖山南  
國正清道觀民展義寧無暇依舊吟篷會景投

清江浦

渡河今日莅清江沙岸邊旁艤鳳艘便覺景光非

北地行看佳麗到南邦建牙近守金隄固

總河衙門建於是以近清黃交 置插永期玉柱杠 惠濟閘為通津最要關鍵向

晚澄波印新月謚人神思果無雙

賜江南河道總督高晉疊舊作韻

東南稱澤國保障界雙旌詎在工穿鑿惟應盡敬

誠隄堅幸黃刷口拓暢淮清 年來清口宣洩之法高晉善體朕意於啓

閉尺寸一以高堰五壩為程不惜拆清口壩之勞費是以屢年五壩不過水下河田廬並資利益

實爾推行善母須揚頌聲

月

水營濱運川玉波銀輪納望前光愈鮮春仲寒猶

颯篷窗不忍下還教移近榻三年別景趣一晌愜

遊涉徘徊對清冷詎可無言答

反錢謙益淮陰侯廟詩即用其韻

謙益詩云豈知隆準如長頸夫信反跡已明

豈得謂高祖忌刻如句踐乎是非倒置甚矣

無知者猶有以彼言為當者故不可不正之

家臣謀詐赦官徒反跡寧同有莫須陛下早知能

將將項王嘗見語姁姁二句皆隳括信語枉尋彼謾稱直

尺謂謙益惡紫吾猶恐亂朱心事若殊陳代相那尋

遺廟奠傾孟謙益有好為英雄奠一孟之語

過淮安府

漂母祠邊暫據鞍射陽城裏徹鳴鑿竟成滅從還

輕騎都為民親與俗安縱喜市頭平米價那無簷

底歎衣單孳生庶更謀生窘不見其熙祇見難

閱淮安石隄再疊前韻

河工於何艱艱惟亘徐海山陽處其中人烟庶更

倍所恃惟一隄因命以石改雖非探本計粗安賴

歷載

皇祖有徽猷功同禹乘橈動皆合天人舉必究源委

藐予四南巡繩

先志勤每日述實非作仍以遵

神楷隄高將埒城詎曰安非殆准黃苟暢消為魚憂

庶罷顧咨司河臣莫恃茲晏愷常凜一心畏俾免

萬民駭

賜漕運總督楊錫紱

內供卿貳外封疆司運今番政最良不必精嚴事

皆就善於驅使眾胥襄即今水次排南舸弗悞秋

來到北倉

楊錫紱奏明歲南巡漕船於水次分別前後頓置且二月逢閏定當如期抵通

更議僉丁蠲積習

向來軍籍各戶多攬易規避甚至藉捐銜冒考為巧於詭脫之

計楊錫紱條奏立法禁治凡紳衿請托一概屏除

不徇流俗審應臧

即事

即事弗拘題所遇皆可詠夜雨曉漸稀朝風午欲

定當其風雨時黃頭心固恧農父順帆舟亦豈無

欣慶事蓋艱兩全美還忌太甚詎惟所見然吾擬

通為政

山東巡撫崔應階奏報得雨

兗沂經過為希膏欣悉春霖近遠叨

昨駐蹕郊城適逢春雨因

諭崔應階查迤北一帶會否均霑今據奏報沂州初九初十兩日密雨淋漓蒙陰於十一日微寒作

雪積地二寸餘而兗州濟南青州三屬亦於初五  
初十等日得雨二寸至六寸不等麥苗既資潤長  
大田亦得乘濕翻耕農  
民胥慶覽奏深為忻慰 詎止麥資香餅餌并聞黍  
可事耘薅孰非赤子孰能忘為是殷心為此勞澤  
國已霑晴亦好得因清暇一摘毫

過寶應縣

鳳舸泊川塘城闈緩控韁欲求萬民晏慎選有司

良直道由來久平安亦自臧縣志漢時為平安縣至唐上元間因得定

國寶改今名上元因得寶改縣失荒唐

晴三首

江郊宜雨更宜晴麗景迎曦嫩暖生催漕去聲東南

風豈礙江南春月多東南風俗謂之催漕北上也漲添順水送舟輕

東南風旋轉西南藉卜開晴有俗談南方俗諺風西南得晴占

雲散日輪光尚淡入波疑是玉蟾涵

柳態蕪姿入畫情隄梅又放兩三英似傳鄧尉催

人意却為觀民不趲程

雜言

昨日東南風舟行誠覺遲今日東北風舟行迅似  
馳檣竿可張帆邪許喜榜師須臾風力足越馳乃

如飛大船中流若無事小船前行數里計瞥眼大  
船已及之劼劼小船欲迴避迴避不能將壓臨憑  
覽獨覺驚吾心大小不倫勢若此可恃為君莫吾  
比

過高郵州

覆孟城北艤行舟玉勒城中歷覽周建置詎惟圖  
目覩資生要欲悉心求下河獨斷幸無滂前巡審  
悉河湖  
形勢因命河臣視高堰五壩過水尺寸展拆清口  
以洩洪澤之漲連歲下河得免水患並獲有秋  
連歲羣稱歌有秋馬首拜恩亦奚藉哺孩寧復望

其酬

車邏壩香燄六張

車邏諸石壩所以洩狂瀾洩之水猶盛增置東西

灣

丁丑南巡以高寶湖河入江未暢因命於金灣  
加寬引河中開增置石壩而東灣滾壩則令落  
低壬午春親蒞籌度並令將西灣  
滾壩落低四尺俾成建甌之勢亦謂悉心謀其

如來多源洪澤過五壩厥勢誠滔天詎此所能救

坐看潦下田因謀抽薪計拆壩清口宣為之定尺

寸寬窄相衡權

前巡諭暢開清口以洩洪湖視高  
堰五壩水誌如過水一尺即拆開

十丈節宣  
永為定制年來守此策洪澤洩以先



天恩更未滂五壩無漏泉車邏常封土清口既暢湖水宜洩  
有資車邏始得堅閉下河下河有收連歷覽為額  
頻年幸不被水遂致屢豐慶吾言中偶然而此詎敢矜惟益勵惕乾

花朝三首

南邦四度度花朝每度花朝景物撩北地豈無二月望如夷應是夢中消  
未見花開不免希既開轉覺惜芳霏試看玉簇錦  
叢裏已有嬌香幾片飛

菀枯誰所又誰能祇有無生是上乘却憶去年渾

柘寺去歲渾柘寺度花朝亦有詩悟拈花處得相應

初遊上方寺

灣頭遙見起平岡聞說精藍有上方雖是徑蹊畧  
紆轉果然松竹不尋常八禪漫論通其要萬姓尤  
欣副所望馬足紛隨定何礙躡蹂惟惜麥抽芒萬姓  
隨馬足趨瞻竟有踐踏麥苗者既不忍嚴禁呼令莫履麥田彼乃不聽也

香阜寺

龍角蜀岡低香阜俗又謂之小五臺蓋蜀岡盡處如龍之角云花宮湧地  
棲浮橋過運水下馬叩招提三載誠倏爾千秋可

例兮天寧知不遠易舫進前溪

自高橋易舟至天寧寺行館卽景襍詠

溪河廿里進輕舟行館天寧擬駐留問景誰當繫  
清戀平山待我有蘇歐

三月烟花古所云揚州自昔管絃紛遠淳擬欲申

明禁慮礙翻殃謀食羣

常謂富商大賈出有餘以補不足而技藝者流藉以

謀食所益良多使禁其繁華歌舞亦誠易事而豐財者但知自嗇豈能強取之以贍貧民且非王道所宜也化民移俗言之易而行之難率皆類此

夾岸排當實厭鬧殷勤難卻衆誠殫却從耕織圖

前過衣食攸關爲喜看

烟溪幾轉到天寧古樹真花蔚淨馨調御堂堂還

丈六不絲毫分示遷停

天寧寺再疊前韻作

八會窮源開舍衛三明極地演迦陵雖云蕪郡城  
北郭已似四禪天上層馬到門前知路熟鳥來簷  
下聽經能昔題著處逢迎是不異今朝愜賞憑

駐蹕天寧寺行宮疊舊作韻

曲徑相通向右邊了知行館最清便精旌又駐仲

南遊錄 卷三十一  
春月香展何殊壬午年嘉蔭仍看喬柏峙幽芳已  
有早梅妍大觀堂裏披書坐無逸當前意悚然

### 九峯園小憩

觀民緩轡度蕪城宿識城南別墅清縱目軒牕饒  
野趣遣懷梅柳入詩情評奇都入襄陽拜園有九  
奇石因  
以得名非舉數去聲還符洛社英小憩旋教進烟舫  
山峯也  
平山翠色早相迎

### 蓮性寺

一瓣一不虞韻皆具性萬不萬瓣性皆空裴嚴塔院  
有如是無盡光明碧水中

### 功德林

竺宇平山左厥名功德林石磴雖不高亦足具四  
臨右俯適來川絲管猶繁音左挹麥塍綠實覺娛  
吾心視聽胥且置一思功德義譬如惠心者勿問  
孚惠意佛無物不度度亦不居惠是則功與德二  
字將何寄微覺調御笑語言實兒戲

### 題平山堂

鬱律山堂倚碧嶒建時猶自紀廬陵羶薌佳勝七

百載嘯咏風流四五朋必有真能被民澤不然何以至今稱重來拱讀

奎章煥旌淑原從漢詔徵

大觀堂疊舊作韻

南巡重莅止寧為恣娛觀展也必由義樂兮敢涉盤何來此有覺恧若未遑安益勵甄心戒深防適已歡餘閒聊可棄精蘊亦因殫在上思羲象夔夔祇見難

賜湖廣總督吳達善

甘陝贊軍餉滇黔建檠牙兩湖俾治劇萬姓庶蒙

嘉公不和斯鮮

俗有湖北督撫常不和之諺或惑於形家之說以為地勢使然此謬

論也蓋公豈有不和者

明期照莫差官方誠闢茸

湖北吏治自愛必達

周琬以來因循欺蔽較各省為劣茲命督撫諸臣力挽頹風

可弗意為加

降旨免江南熟田未完欠項並將江蘇經過

州縣均免十分之五詩以誌事

啓鑾前免百卅萬實指災田所欠尾入疆詢知江北多江南纔三萬而已是則江北被恩重江南無災恩薄矣因問熟田或有逋亦不過四萬斯止槩

南遊盛典 卷三十一  
與蠲之仍覺輕十分免五惠同視宣尼曾云不繼  
富蓋於他人非赤子藏富閭閻信益佳詎曰驩虞  
博民喜

遊倚虹園

情知名墅郡城西遂艤蘭舟步薜隄花木正佳二  
月景人家疑近武陵溪笙歌隔水翻嫌鬧池館藏  
筠致可題片刻徘徊還進舫蜀岡秀色重去聲相溪

淨香園

雨過淨倚竹夏前香想蓮不期教步緩率得以神  
傳几潔待題研窓含活畫船吹笙橋那畔可入牧  
之篇

趣園卽景

多有名園綠水濱清遊不事羽林紛何曾日涉原  
成趣恰值雲開亦覺欣得句便前無繫戀遇花且  
止足芳芬問予喜處誠奚託宜雨宜暘利種耘

水竹居

柳堤繫桂艤散步俗塵降水色清依榻竹聲涼入  
窓幽偏誠擅獨攬結喜無雙憑底靜諸慮試聽石

壁淙

是處本名石壁流淙為平山四十景之一

題天池

在功德林中

林中功德池迴自半天披淥水入澄照青山猶古  
姿魚衝漪上下花弄影葳蕤一派曹溪味尋源識  
者誰

題小香雪居

竹裏尋幽逕梅間卜野居畫樓真覺遜茆屋偶相  
於比雪雪昌若日香香澹如浣花杜甫宅聞說此  
同諸

再遊平山堂卽景禩詠八首

曉烟欲泮獨未泮山色如遙却不遙一路名園都  
可憩木蘭先泊倚虹橋  
纜牽春水拍舟輕戟戟新蒲刺水生夾岸樓臺不  
知幾上聲飄飄都在鏡中呈  
澹蕩輕風靜碧淪堤籠絲柳拂船脣沿隄緹騎非  
嚴蹕爲挈銀牌賜老人  
春光滿眼已撩人梅白椀紅倚翠筠屈指長橋過  
廿四風流誰是紫薇倫

有時屨步有時舟幾暇聊成爛漫遊饒舌咄哉此  
言失得閒吾豈樂天流

傍午徂雲忽放晴平山濯翠益分明吾寧徒為去聲  
遊山計計到田功實暢情

綠竹叅天一逕細白梅似海萬株多援毫題曰小  
香雪大者淡旬較若何屈指一旬當至鄧尉

梅塢西隣卽蜀岡春風依舊坐山堂適來絲管真  
嫌聒恰喜松風一掃涼

塔灣行宮四依

皇祖詩韻

乘氣寧關玩物華籌民本計厓禾麻庶繁郡過蕪  
城市瀟灑軒依鹿苑家金柳已搖高下縷玉梅都  
放淨娟花

天章賡和知

垂訓蒙業承平意敢奢

微雪 二月十九日

夜雨晨陰午後涼凝成雪片灑飄揚旋看落地融  
為水稻事花期兩不妨

長空細糝謾徘徊六出花非費剪裁  
六應知別有意欲因親切較江梅

塔灣行宮三依

皇祖示江南吏韻

載諮大小吏為政有常經恕不妨蒲示節當如竹  
亭莫忘恫瘝念恒切怨咨形豈必催科巧逋徵半  
已停

過瓜洲鎮

江裏洲傳瓜字曾廣陵潮昔有明徵

蔡寬夫詩話潤州大江本

與揚子橋對岸瓜洲乃江中一洲耳李紳詩揚州郭裏見潮生自瓜洲以開為限潮遂不至揚州夫唐時揚州尚見潮何況於漢著述家遷就枚乘賦語俱以曲江觀潮為是杭非揚且謂廣陵舊治甚大錢塘當在所轄之內此與刻舟膠柱之見何異既為之辨復註大意於此開元以後

襟喉要乾道之間城堡興占地其來亦已久讓川

雖安卒何能去年異漲坍沙磧幸保安然惕倍增

渡江至金山駐蹕作

南巡又奉

大安舟今日金山此重去聲遊昨尚風狂今乍息每逢

浪靜信何修



親歡承益愜深願

祖德思惟最遠猷浮玉底為新景會笑山對映玉微

留昨夜微雪笑山一帶曉猶未融積素更為江天翔觀

金山寺再依

皇祖詩韻

忽聞江上按雲和仰首方知天籟多我切聰聽在

軒碣三年曉眼訝無何

金山三疊舊作韻

萬頃銀濤百丈青文章大塊善形形誠知

天地此鍾秀敢曰山川特効靈滿月面重瞻相好如

冰壺裏悟流停妙高臺上遊遙目興寄鳶魚徹洞

冥

近涯南北春盈地遠派東西水接天想像繩床叅

印老補藏玉帶證坡仙

寺有坡翁玉帶久缺數版壬午臨幸為補足之曾有

詩拱瞻

羲碣欽

前烈欣奉

任輿悅

大年到處花空度祝

嘏誠同蒼赤一心連

觀濤樓歌

傍晚大江畧作風逆風者勞順風逸不如山頂坐  
層樓勞逸齊觀氓得失夔然悔此非我談談合漆  
園寥天一物逸我為心愜一物勞我為心疾疾  
心愜心紛乎中辭之斯吝安猶吉夫然那免鬢星  
星擬藉觀濤滌塵沕

遊金山寺四疊蘇軾韻

大江入中國十分到此三分已近海河常有患江  
無患偶然亦復有患在去歲荆楚肆難陀尾打浪  
冠須彌波文泉監利被災重賑恤寧靳費帑多瓜  
洲城下走舟楫坍沙日甚於一日芟穰保護那可  
施南望心憂為黔赤上年六月湖廣總督李侍堯等奏楚省積雨江漲上游文  
泉監利迤及黃梅廣濟被災數邑疊行降旨賑恤  
旋經高晉奏江省瓜洲江水長發丈餘迴瀾壩岸  
坍嚙至七月汛平加漲退城安定駭魄民色如前  
澤而黑輕艫重剪江波明為思昨夏猶餘驚我有  
恒心民盡識屢巡豈緣攬景物韶春復駐氏父山

強和蘇韻不避頑獨愧詰詰言未已可知既水弗  
洗水

再題蘇軾玉帶

玉鞶猶是子瞻遺當日禪機竟若為山色江聲今  
妙偈外州內翰昔威儀本無此任僧伽敘非有餘  
殊人士垂欲問曾圍肚皮者經多少不合時宜

未戲

用子瞻語

題金廷標留帶圖

東坡玉帶既貯之以檀匣復為錦囊什襲用

示珍重白綾裏命金廷標為圖因成是作題

之

愛帶都緣為愛人言之不足命傳神恍如坡印視  
子笑笑是居然未離去聲塵

自金山放舟至焦山四疊蘇軾韻

兩岸束江深眈眈瓜步在北京口南天塹形勢攬  
已熟奚啻曰再與曰三金山放舟纔片刻迴視銀  
海擎黛蠶山包屋處欠一到隱慮或致焦先慙順  
流鼓柁意甚快風浪奚礙心澄潭故知羅蠟草木

茂枝姿葉態迎春，酣乃復寺傍。構行館成事，不說

何勞談

已見壬午  
疊韻詩

小憩弗宿發，青雀調御月。面空

花龕熾然今，昔非今昔中。邊食蜜皆甜，甘獨是結

習寄吟詠，屢賡蘇韻。寧辭貧八州，牧同五斗祿。

見蘇

詩一長老商，七不堪呼之。欲出難想像，但聞其聲

留谷菴

亦用  
蘇語

清寄堂

別館精藍側，逕幽花木芬。棲遲雖覺適，供奉畧嫌  
勤。古栢虬蟠影，高峯螺皺紋。偶然寄清興，流水與

行雲

竹樓

竹裏書樓架，竹為拂筵還。入夏風枝恐，人強與分  
賓主故，藉冷然一掃之。

海門菴

倚壁為菴對海門，絕無塵處閱高奔。山僧不用蓮  
花漏，自有潮頭報曉昏。

遊焦山作歌再疊舊作韻

焦山侵尋亦有屋，難傲金山獨在腹。土為母子木

南遊盛興 卷三十一  
弟兄世人慣作響應聲太古以來大江水豈知較  
此與量彼三詔先生如可起首肯吾言歎止止水  
流地而雲行空誰論有是有非是維舟登岸又斯  
辰如來默坐何修勤無色聲香味觸法施檀禮足  
徒紛紜風旛不動自標偈龍象變見皆成文吾方  
興屬層峯雲下暎江色青氤氲今新昔故泯芥蕙  
南疆北界誰區分東瞻海門詖蕩蕩百川虛受胥  
平吞蓬萊方丈竟何處祇餘潮聲朝暮聞

甘露寺用張祐韻

心淨泯羣象目空無點埃三乘於以閱四度底論  
來江色翻禪壁山光落講臺衛公固局鑄舍利也  
還開

算山

一水平分揚與吳西津渡口峙峯孤中宵畫策周  
郎定萬舳樓船曹氏無綠拂春風猶澤蒜地理志  
山多澤  
蒜故名又以周瑜策  
曹操於此因名算山白搖秋月自洲蒲江流激石  
為澎湃尚似當年恨霸圖

遠帆樓卽景四首

清晨進舫攬焦山甘露紆臨卓午還東望青螺湧  
玉海畫如我適在其間

來往帆資一面風舟師破浪實稱工忽思駿馬馳  
山阪控縱隨人此或同

舉目雲行與水流廓然俯仰契神投大江東去千  
秋調多把黃州誤潤州

寺壁勒明季夏言等大江東去詞蓋皆數典東坡黃州之作

披卽看浮玉原瓊島外苑何須異視之  
重閣名同太液池

瓊華島北閣臨液池亦名遠帆

織梭帆影鏡中

登金山塔頂三疊舊韻

塔頂應須更有尖碧空在上獨稀兼看茲卓爾禪  
明示到此誰能意不恬風物江山原弗異詩篇今  
昔且由添了知未似東坡句却喜依他韻屢拈

題鏡治齋

浮玉大江裏行齋浮玉中

堯

勲遵露冕禹德慚

去聲

卑宮不到塵埃處真教機象

融省方關治化淵鏡意何窮

金山妙高臺和蘇軾韻

先我問誰登眉山玉局子仕朝七品官辭家六千里  
 屈信往來間蓋同遊戲耳忽愛浮玉峯嵬隸江  
 中起義取華嚴經名此臺如砥比邱擬德雲談禪  
 對棐几了了契心神朗朗出口齒斯誠迴出塵那  
 更申盟水獨步妙高間是是非非是效之者計愚  
 似之者法死

河南巡撫阿思哈奏報得雨

恒厘中州冬雪少欣聞春雨普霑濡豫省冬雪畧少正盼春膏頃據阿思哈奏報二月初四五六及十四五六等日各屬得雨三寸至六寸不等通省並得霑足二

麥可卜豐收深為欣慰更思迤北京畿地此澤還當被也無

策馬過鎮江府

揚子橫江片刻過毘陵策騎度逶迤民情較昔尤  
 相熟馬足趨隨那厭多城有絃歌興禮讓戶無滋  
 擾自熙和黃童白叟誠繁庶為去聲計資生應若何

四京峴山

京峴春潮輕送舟鑿渠率笑祖龍謀南來北往原  
 資利君子惡因居下流

登城霞閣再疊舊作韻二首

運路襟烟郭橫樓帶水衢助休度已義灑掃塵人  
劬登攬寧無興安懷要有圖會歸惟北極禮樂盛  
東吳方抱一心欲那矜萬口呼殷殷祝綏履庶得  
四民蘇

詎可揚帆過登臨俯市衢四巡非一歲三義眇千  
劬西蜀成偏業南陽贊遠圖深謀艱伐魏遺恨未  
吞吳紙幣今仍走樓桑昔罷呼城霞揭妙理勁筆  
備顏蘇



